


# O casamento da pulga e o piollo

Tradicional



1. A pulga e o piollo queríanse casar,  
tan ricos estaban que non tiñan pan.

2. E saíu a toupa da súa toupeira.  
Fágase a voda que eu serei panadeira.

3. Agora, mi vida, panciño tenemos.  
Fáltano-lo viño. ¿Dónde lo hallaremos?

4. Saíu o mosquito do seu mosquiteiro.  
Fágase a voda, que eu serei taberneiro.

5. Agora, mi vida, viñiño xa temos.  
Fáltano-la carne. ¿Dónde la hallaremos?

6. E saíu o lobo detrás do outeiro.  
Fágase a voda, que eu serei carnicero.

7. Agora, mi vida, carniña xa temos.  
Fáltano-los manteles. ¿Dónde los hallaremos?

8. E saíu a araña da súa arañeira.  
Fágase a voda, que eu serei tecedeira.

9. Agora, mi vida, manteles xa temos.  
Fáltano-lo padriño. ¿Dónde lo buscaremos?

10. E saíu o rato detrás do muiño.  
Se prenden ó gato eu serei padrino.

11. Agora, mi vida, padriño xa temos.  
Fáltano-la madriña. ¿Dónde la hallaremos?

12. E saíu a rá da súa regueiriña.  
¡Fágase a voda, que eu serei madriña!

13. Agora, mi vida, madriña xa temos.  
Fáltano-lo danzante. ¿Dónde lo hallaremos?

14. E saíu o sapo de moi arrogante.  
Fágase a voda, que eu serei danzante.

15. Agora, mi vida, danzante tenemos.  
Fáltano-lo gaitero. ¿Dónde lo hallaremos?

16. E saíu o grilo do seu grileiro.  
Fágase a voda, que eu serei gaitero.

17. Homes e mulleres, rapaces e todos,  
vinde ve-la dote que me deu meu sogro.

18. Unha cabra vella e un cabrito coxo,  
unha manta vella cun remendo roxo.

19. No medio da voda houbo un barullíño,  
desprendeuse o gato e comeu ó padrino.